

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होरें नौजवानें गी आग्रह कीता ऐ जे ओह विकसित भारत युवा नेता संवाद लेई विकसित भारत क्विज च हिस्सा लैन।
- गृह मंत्रालय नै आतंकवादी हमलें दा मुकाबला करने लेई जम्मू च एनएसजी दा इक स्थाई केन्द्र खड़ेरेआ ऐ।
- उपराज्यपाल मनोज सिंह होरें आखेआ जे अपने ऐतिहासक, सांस्कृतिक विरसे ते हुनरमंद मनुक्खी संसाधने दे दम उप्पर भारत 2047 तगर विकसित राष्ट्र दे लक्ष्य बक्खी अगड़ा बधै करदा ऐ।
- सेना अध्यक्ष जनरल उपेन्द्र द्विवेदी होरें आखेआ ऐ जे भारती फौजें सैलानिएं गी सियाचिन ब्लेशियर, कारगिल ते गलवान घाटी दी बर्फीली उंचाइएं पर जाने दी खुल्ल देने दा फैसला लैता ऐ।
- 5 मुख्य सचिव अटल डुल्लू होरें लाल मंडी श्रीनगर च फुल्लें दी काश्त आली योजना तैह्त् हॉट हाउस दा उद्घाटन कीता।

<><><><><><>

PM Youth

प्रधानमंत्री नरेन्द्र मोदी होरें नौजवानें दा आह्वान कीता ऐ जे ओह विकसित भारत क्विज च हिस्सा लैन जेह्दे नै उंदा ऐतिहासिक विकसित भारत युवा नेता वार्ता च हिस्सा लैना जकीनी बनी सकदा ऐ। विकसित भारत प्रश्नोत्तरी इक चरुं चरणें दी चुनौती ऐ जेदे च नौजवानें गी ऑल इंडिया डिजिटल क्विज मुकाबलेबाजी ऐ जेदे च नौजवानें गी हिस्सा लैने ते अपने विचार सांझे करने लेई सादा दित्ता गेदा ऐ। 25 नवंबर गी शुरू होई दी एह प्रतियोगिता 5 दिसंबर तोहड़ी चलोग। एह प्रतियोगिता 15 कोला 29एं बरें दी उम्री दे सब्बन नौजवानें लेई खुल्ली ऐ। सोशल मीडिया दी इक पोस्ट च प्रधानमंत्री होरें आखेआ जे एह नौजवानें दा इक महत्वपूर्ण योगदान होग जेह्दे राएं ओह विकसित भारत दे लक्ष्य गी हासल करी सकडन। मोदी होरें आखेआ जे एह युवाएं दे नमें विचारें गी सरकार तगर पुजाने दा विशेष मौका ऐ।

<><><><><><>

NSG

केंद्री गृह मंत्रालय नै कुसै बी बड्डे आतंकवादी हमले दा मकाबला करने लेई जम्मू शैहरा च राष्ट्री सुरक्षा गार्ड-एन.एस.जी दा इक स्थाई केंद्र खडेरेया ऐ। आकाशवाणी दे जम्मू संवाददाता दी रिपोर्ट मूजब, आतंकवादी हमले दी सूरतै च एह केन्द्र तुरत सक्रिय होई जाहग ते आतंकवादिएं दा मुकाबला करदे होई स्थिति पर काबू पाग। एह केंद्र जम्मू खित्ते दे बक्ख-बक्ख जिलें च सुरक्षा बलें पर होए दे आतंकवादी हमलें दे बाद ते आतंकवादिएं आसेआ जम्मू गी निशाना बनाए जाई सकने दिएं रिपोर्टें दे मगरा बनाया गेआ ऐ। एनएसजी कमांडोएं दी तैनाती जम्मू-कश्मीर पुलस आसेआ जम्मू-कश्मीर लेई तैयार कीती गेदी आतंकवाद विरोधी योजना दा हिस्सा ऐ। इनें कमांडोएं दी तैनाती उच्चिएं इमारतें, सुरक्षा प्रतिष्ठानें ते संवेदनशील सार्वजनिक थाहरें पर कीती गई ऐ तां जे कुसै बी चाल्ली दे आतंकवादी हमले कन्नै तुरत निब्बड़ेआ जाई सकै।

<><><><><><>

LG-Sinha

उपराज्यपाल मनोज सिन्हा होरें आखेआ ऐ जे भारत, अपने समृद्ध सगगोसार ऐतिहासक ते सांस्कृतिक विरसे ते बड़े मते प्रतिभाशाली मनुक्खी वसीलें दी बदौलत, 2047 तगर भारत गी इक विकसित मुख्य बनाने दे लक्ष्य आली बक्खी तेजिया कन्नै अगड़े बधै करदा ऐ। उनें आखेआ जे इस यात्रा च हर क्षेत्र जागृत लोके टकोह्दा करियै सांडसदानें ते अध्यात्म गुरुएं दे अग्गे औने दी लोड़ ऐ तां जे ओ इस विकास प्रक्रिया च अपना महत्वपूर्ण योगदान देई एह गल्ल उनें कल जम्मू च श्री कैलख ज्होतिश ते वैदिक संस्थान ट्रस्ट आस्सेआ आयोजित कार्यक्रम च आक्खी, जेहूदे च उनें परम पुज्य निरजन पीठाधीश्वर श्री श्री 1008 आचार्य महामहलेश्वर स्वामी कैलाशनंद गिरि जी महाराज होरें गी 2024 ब'रे दे कैलाख संस्कृत रत्न अवार्ड कन्नै सम्मानित कीता। इस मौके उपराज्यपाल होरें भारत दे समृद्ध सगगोसार परम्पराएं ते सांस्कृतिक विरसे दे संरक्षण ते इसी बढ़ावा देने दे सरकार दे धेइयै गी फही पक्का कीता ते आह्वान कीता जे तरक्की दा लाह समाज दे भलेया हेठली सतह तगर बी लोके तगर पुज्जै, एहदे लेई सब्बपे गी किट्ठे रलियै जतन करने होंगन।

<><><><><><>

IGP Traffic

आईजीपी ट्रैफिक सुलेमान चौधरी ते एसएसपी ट्रैफिक जम्मू सिटी फैसल कुरेशी होरें कल जम्मू शैहरा दा व्यापक दौरा लाइयै इत्थें ट्रैफिक दी पूरी पराती स्थिति दा जायजा लैता।

उनें नरवाल, सैनिक कालोनी, कुंजवानी, सतवारी, भगवती नगर, कनाल रोड, जानीपुर, हाई कोर्ट ते होरने केई इलाकें च ट्रैफिक बवस्था दी जमीनी स्थिति दा निरीक्षण कीता ते गडिडएं दे रश कन्नै निबड़ने दे उपाएं सरबंधी निर्देश ड्यूटी पर तैनात ट्रैफिक अमले गी बी दित्ते मगरा ओ जम्मू दे टाउन हाल गे ते उत्थें आईटीएमएस चलान बवस्था दे प्रबंधन ते चलान कट्टने दी पूरी प्रक्रिया दी जांच कीती। उनें सड़कें पर लाल बत्ती गी अनदिक्खा करियै नियमें दी लोआगंना करने आलें खलाफ सख्ती बरतने दा बी निर्देश दित्ता।

<><><><><><>

NCC

एनसीसी दे जम्मू कश्मीर निदेशालय थमां गेदे त्रै कैडटें आगरा दे आर्मी एयरबोर्न ट्रेनिंग स्कूल च लोआए गेदे प्रतिष्ठित पैरा बेसिक कोर्स गी कामयाबी कन्नै पूरा करदे होई शानदार प्रदर्शन कीता ऐ। इनें कैडटें च सरकारी डिग्री कालेज किश्तवाड़ थमां सर्जेंट अंजना परिहार, सरकारी डिग्री कालेज डोडा थमां सीडीटी तुफैल जान ते सरकारी डिग्री कालेज कठुआ थमां यू.जी. लक्ष्मी देवी शामिल न। इस कोर्स च उनेंगी कठिन जमीनी सिखलाई दे कन्नो कन्नी ब्हाऊ च कीते जाने आले करतब ते कारवाइएं दी बी सिखलाई दित्ती गई, जेहड़ी जे कुसै बी एनसीसी कैडटें आस्तै इक मानै आली गल्ल ऐ। इनें कैडटें दा आखना ऐ जे एह कोर्स ना छड़ा उंदे ते उंदे कालेजें लेई इक मान्ने आली गल्ल ऐ सगुआं एह इक ऐसी यादगार ऐ जेहड़ी सदा सदा लेई उनेंगी चेते रौहग।

<><><><><><>

EPFO Outreach

कर्मचारी भविष्य निधि संगठन – ईपीएफओ दे जम्मू आहले इलाकाई दफतरै कल सांबा दे डिप्टी कमिशनर हुंदे दफतर परिसर च निधि आपके निकट अभियान दे दुए चरण तैहत जागरूकता कार्यक्रम दा सरिस्ता कीता। इस कार्यक्रम दा सरिस्ता सांबा दे असिस्टेंट लेबर कमिशनर हुंदे दफतरै दे सैहयोग कन्नै कीता गेआ। प्रोवीडेंट फंड कमिशनर रिजवान-उद्दीन होरें निजी तौर पर इस पैहलकदमी दी अगुवाई कीती ते जिले दे वर्करें ते कर्मचारिएं दे मसलें गी सिद्धे तौर पर हल करोआया। इस कार्यक्रम दा मकसद समाजी सुरक्षा आहले बक्ख-बक्ख महत्वपूर्ण पैहलुएं सने डिजिटल सेवाएं ते समस्याएं दे नबेड़े करोआने पर मुख करियै केन्द्रित हा। एहदे अलावा मजूद प्रतिभागिएं गी यूनीवर्सल एकाउंट नम्बर गी सक्रिय करने दी प्रक्रिया बारै बी जानकारी उपलब्ध करोआई गई। इस मौके पर उद्योगें गी एह अपील कीती गई जे ओह योग्य कर्मचारिएं गी उंदे कम्मै दे पैहले ध्याड़े थमां गै समाजी सुरक्षा आहली योजनाएं दे दायरे हेठ आहनना जकीनी बनान।

<><><><><><>

Army Tourism

सेना अध्यक्ष जनरल उपेन्द्र द्विवेदी होरें आखेआ ऐ जे भारतीय सेना नै सैजानिएं गी सियाचिन ग्लेशियर, कारगिल ते गलवान घाटी दी बर्फीली उंचाइएं पर जाने दी खुल्ल देने दा फैसला लैता ऐ तां जे ओ इनें बड़े मते कठिन युद्धक्षेत्रेंद । परतक्ख तर्जुबा हासल करी सकन। उनें आखेआ जे जम्मू कश्मीर दा नमां मुख्ख विषे सार “आतंकवाद थमां सैलसफा आली बक्खी” गी मुमकिन बनाने च सेना नै मदद कीती ऐ। कल सवित्रीबाई फुले, पुणे यूनिवर्सिटी दे रक्षा ते सामरिक अध्ययन विभाग आस्सेआ आयोजित जनरल बी सी.जोशी यादगारी लेक्चर शृंखला दे तैहत “भारत दी विकास गाथा गी सुरक्षत रखने च भारतीय सेना दी भूमका ते योगदान” विषय पर बोलदे होई उनें आखेआ जे जम्मू कश्मीर च जित्थें विधान सभा चुनाएं दे बाद पिछले म्हीने नमीं सरकार नै कम्मगार सांभेआ ऐ, उत्थें गै सैलसफा दे क्षेत्र च बी बड़ी मतियां संभावनां न। उनें आखेआ जे भारतीय फौज जम्मू कश्मीर च साहसिक गतिविधिएं गी बढ़ावा देने लेई पूरी चाल्ली दृढ़ संकल्प ऐ।

<><><><><><>

Jasi Valley

जिला विकास काउंसल डोडा दे चेयरमैन धनंतर सिंह कोतवाल ते जिला विकास कमीशनर हरविंदर सिंह होरें कल भद्रवाह दी जय वैली दा दौरा लाया ते उत्थें इस सयाले दरान ओने आले सैलानिएं लेई बवस्थाएं, जारी विकास कम्में ते आयोजनें लेई तैआरिएं दा जायजा लैता। इस दरान उनें सैलानिएं दे ठैहरने लेई हट्स ते होरने सुविधाएं दी स्थिति दी समीक्षा कीती। इस दरान उनें सरबंधत अधिकारिएं ते सुविधा उपलब्ध कराने आले होरने हित्तधारकें गी निर्देश दित्ता जे औने आले दिनें च वसैने आली जबरदस्त ठंडू दी रूतै दरान सैलानिएं दी सुविधा दा हर मुमकिन ख्याल रखेआ जा।

<><><><><><>

CS Hot House

मुख्ख सचिव अटल डुल्लू होरें कल लाल मंडी श्रीनगर च फुल्लें दी काश्त आली योजना तैहत खडेरे गेदे हॉट हाउस दा उदघाटन कीता। इस मौके उनें फुल्लें दी काश्त आले इक दफतरे दे बक्ख-बक्ख हिस्से दा मुआयना कीता ते रबंधत अधिकारिएं कन्नै गल्लबात बी कीती। इस मौके बोलदे होई मुख्ख सचिव होरें औषधिएं ते खश्बूदार बूहटें दी बवसायिक रड़ दे महत्वै पर लोह पाई। उनें सरबंधत अधिकारिएं पर जोर पाया जे ओह नोजवानें गी औषधिएं ते खुश्बूदार बूहटें दी बवसायिक रड़ बारे जागरूक बनान तां जे ओह इस पेशे कन्नै तुड़ी सकन।

उनें आखेआ जे जम्मू कश्मीर च औषधिएं बूहटें आले खेत्तर दे विकास दियां बड़ियां मतियां संभावना न। उनें आखेआ जे एह खेत्तर लोके गी रोजगार उपलब्ध करोआई सकदा ऐ ते मुख्य च औषधिएं ते खुशबूदार बूहटें दा बड़ा बड़्ठा बजार उपलब्ध ऐ जेहदा लाह प्रदेश दे नोजवानें गी थ्होई सकदा ऐ।

<><><><><><>

Army Medical Camp

सीआरपीएफ दी 137 बटालियन आस्सेआ उधमपुर जिले दे हायर सकेँडरी स्कूल रौन च अपने सिविक एक्शन कार्यक्रम तैहत इक मैकडकल कैंप दा सरिस्ता कीता गेआ। बटालियन दे कमांडेंट मुकेश कुमार हुंदे आस्सेआ एहदा उद्घाटन कीता गेआ, जेहदे च बड़ी बद्ध गिनतरी च डाक्टरें लोके दी मैडिकल जांच कीती ते लोड़मंद लोके गी मुफ्त दोआइयां बी दित्तियां। इस बारे साढ़े जिला संवाददाता कन्ने गल्ल करदे होई कमांडेंट मुकेश कुमार होरें आखेआ.....

<><><><><><>